

ხელშეკრულება №115

«14 « სექტემბერი 2011 წ.

ქ.თბილისი

1. ხელშეკრულების მხარეების ზუსტი დასახელება და რეკვიზიტები

“სახელმწიფო შესყიდვების შესახებ” საქართველოს კანონის მე-3 მუხლის პირველი პუნქტის “ს” ქვეპუნქტისა და მე-10¹ მუხლის მესამე პუნქტის “ვ” ქვეპუნქტის თანახმად, ერთის მხრივ (შემდგომში შემსყიდველი) საქართველოს დაზვერვის სამსახური (მისამართი: ქ. თბილისი, კეკელიძის ქ. №4) IV დირექტორატის I ცალკეული განყოფილების უფროსის ი.ოქრომელიძის სახით და მეორეს მხრივ (შემდგომში მიმწოდებელი) შპს “ზარაფხანა“-ს (მისამართი: ქ.თბილისი, ლუბლიანას ქ. №15) დირექტორი გრიგოლ გეორგელიძის სახით, ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

2. ხელშეკრულების საგანი

სამკაულები, საათები და მონათესავე ნივთების შექმნა (CPV185). (იხ.დანართი №1).

3. ხელშეკრულების ჯამური ღირებულება

ხელშეკრულების ჯამური ღირებულება განისაზღვრება 5347 (ხუთიათასსამასორმოდამედი) ლარით.

4. შესყიდვის ობიექტის მიწოდების ეტაპობრივი ვადები

მიმწოდებელი ვალდებულია უზრუნველყოს შესყიდვის ობიექტის მიწოდება ეტაპობრივად, 2011 წლის 14 სექტემბრიდან 2011 წლის 1 ოქტომბრამდე, შემდეგ მისამართზე: საქართველოს დაზვერვის სამსახური, ქ. თბილისი, კეკელიძის ქ. №4.

5. მიღება ჩაბარების წესი

5.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

5.2 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.3 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული შესყიდვების ობიექტის წუნდების მიზეზების მითითებით.

6. შესყიდვის ობიექტის ხარისხი

შესყიდვის ობიექტი უნდა იყოს მაღალი ხარისხის და შეესაბამებოდეს დადგენილ სტანდარტებს.

7. ანგარიშსწორების ფორმა, გრაფიკი და ვადები

7.1 ანგარიშსწორება მოხდება უნაღდო ანგარიშსწორების წესით.

7.2 შემსყიდველი ვალდებულია მოახდინოს თანხის გადარიცხვა, ანგარიშ-ფაქტურისა და მიღება-ჩაბარების აქტის წარმოდგენიდან 10 კალენდარული დღის განმავლობაში შემოტანილი საქონლის საერთო ღირებულების შესაბამისად.

8. მხარეთა უფლება-მოვალეობანი

8.1. მიმწოდებელი იღებს ვალდებულებას მიაწოდოს შემსყიდველს მის მიერ მოთხოვნილი შესყიდვის ობიექტი ხელშეკრულების პირობების შესაბამისად.

8.2. შემსყიდველი იღებს ვალდებულებას აუნაზღაუროს მიმწოდებელს ფაქტობრივად მიწოდებული საქონლის საფასური ხელშეკრულების პირობებში ასახულ ვადებში და ფორმით.

9. მხარეთა პასუხისმგებლობა ხელშეკრულების პირობების დარღვევისათვის

9.1. შემსყიდველი უფლება მოსილია საქონლის მიწოდების ვადის გადაცილების შემთხვევაში დააკისროს მიმწოდებელს პირგასამტეხლო ყოველ გადაცილებულ დღეზე დროულად მოუწოდებელი საქონლის ღირებულების 0.1 %-ის ოდენობით.

9.2 გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაცილებულ დღეზე გადაუხდელი თანხის 0.1 %-ის ოდენობით.

9.3 იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულებას 2 (ორი) პროცენტს, შემსყიდველს ან მიმწოდებელს უფლება აქვთ შეწყვიტონ ხელშეკრულება.

9.4. ხელშეკრულებით ნაკისრი ვალდებულების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს კანონმდებლობის შესაბამისად.

9.5. ხელშეკრულებით ნაკისრი ვალდებულებების არშესრულება განიხილება, როგორც ხელშეკრულების მოშლის საფუძველი.

10. ფორს-მაჟორი

10.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა შეიძლება გამოწვევულ იქნას ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა. თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების შესრულების ვადა გადაიწევეს შესაბამისი დროით (გარდა საბიუჯეტო ასიგნებების მკვეთრი შემცირებისას) გარემოებათა დასრულების შემდეგ.

10.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11. ხელშეკრულების მოქმედების ვადა

ხელშეკრულება ძალაშია 2011 წლის 14 სექტემბრიდან 2011 წლის 28 ოქტომბრამდე.

12. დავების გადაწყვეტის წესი

12.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას,



ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების ინსპექტირების პირობები

13.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ შესყიდვის ობიექტი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

13.2. მიმწოდებელი ვალდებულია საკუთარი ხარჯებით აღმოფხვრას კონტროლის (ინსპექტირების) შედეგად გამოვლენილი ყველა დეფექტი ან ნაკლი.

13.3. ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.

14. ხელშეკრულებაში ცვლილებების შეტანა

14.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

14.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია გამართოს მოლაპარაკებები მეორე მხარესთან შესაბამისი ინფორმაციის შესახებ ან წერილობით აცნობოს მოსალოდნელი ცვლილებების შესახებ.

14.3. ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კანონმდებლობით გათვალისწინებული შემთხვევებისა.

14.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

ყოველივე ზემოაღნიშნულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს

შემსყიდველი: IV დირექტორატის I ცალკეული
დანყოფილების უფროსი იოსებ ოქრომელიძე
(შემსყიდველის სახელი, გვარი, თანამდებობა)



საბანკო რეკვიზიტები

შემსყიდველის ბანკი: საქართველოს ეროვნული ბანკი, სახელმწიფო ბანკი
კოდი: 220101222

ანგარიშწორების ანგარიში: 200122900

საინდეტიფიკაციო კოდი: 204469583

მიმწოდებელი: შპს "ზარაფხანა"
დირექტორი გრიგოლ გეორგელიძე
(მიმწოდებლის სახელი, გვარი, თანამდებობა)



საბანკო რეკვიზიტები

მიმწოდებლის ბანკი: სს "ვითიბი ბანკი ჯორჯია"-ს ცენტრალური ფილიალი
კოდი: UGEBGE22

ანგარიშწორების ანგარიში: GE35VT66 0000 5557 773608

საინდეტიფიკაციო კოდი: 202445540

ფასების ცხრილი

№	საქონლის დასახელება	საქონლის ძირითადი მახასიათებლები (ტექნიკური პირობები)	რაოდენობა	ერთეულის ფასი (ლარი)	საერთო ღირებულება (ლარი)	მიწოდების კადები	მიწოდების ადგილი
1	სასაჩუქრე „პანო მედლით“	მოოქროვილი	1	1123	1123	<u>14.09.11</u> <u>01.10.11</u>	კვკელიძის ქ. №4
2	„ვეფხვი და მოყმე“, დიდი	თითბერი, მოვერცხლილი, მოოქროვილი	6	478	2868	<u>14.09.11</u> <u>01.10.11</u>	კვკელიძის ქ. №4
3	ხის სასაჩუქრე ყუთი, „ვეფხვი და მოყმისთვის“		6	65	390	<u>14.09.11</u> <u>01.10.11</u>	კვკელიძის ქ. №4
4	„ლომი“ საშუალო	თითბერი, მოოქროვილი	7	138	966	<u>14.09.11</u> <u>01.10.11</u>	კვკელიძის ქ. №4

სულ:

(5347 ლარი)

შენიშვნა: საქონლის ერთეულის ფასსა და საერთო ღირებულების შორის სხვაობის შემთხვევაში უპირატესობა ენიჭება საქონლის ერთეულის ფასს.



ინტერესთა კონფლიქტის თავიდან აცილების პირობები

ქ.თბილისი


14 სექტემბერი 2011 წ.

ჩვენ ქვემოთ ხელის მომწერნი ვადასტურებთ, რომ საქართველოს დაზვერვის სამსახურის მიერ სამკაულები, საათები და მონათესავე ნივთების შესყიდვისთვის, გამარტივებული შესყიდვის საშუალებით გასაფორმებელ ხელშეკრულებაში, ჩვენი მონაწილეობა არ ეწინააღმდეგება საქართველოს კანონის "სახელმწიფო შესყიდვების შესახებ" მე-8 მუხლის პირველი პუნქტით გათვალისწინებულ მოთხოვნებს.


IV დირექტორატის I ცალკეული
განყოფილების უფროსი იოსებ ოქრომელიძე



შესყიდვების კოორდინატორი
IV დირექტორატის I ცალკეული
განყოფილების უფროსი სპეციალისტი
ანა გოგეშვილი



საქონელზე პასუხისმგებელი პირები:
საქართველოს დაზვერვის სამსახურის
IV დირექტორატის II სამმართველოს
II განყოფილების წამყვანი სპეციალისტი
ირმა მანუკავა



საქართველოს დაზვერვის სამსახურის
IV დირექტორატის IV სამმართველოს
დაზვერვის ოფიცერი
ალექსანდრე წიკლაური

